

ХАН-УУЛ ДҮҮРГИЙН ИРГЭДЭЭС ГАРГАСАН ӨРГӨДӨЛ,
ГОМДЛЫН ШИЙДВЭРЛЭЛТИЙН ДӨРӨВДҮГЭЭР УЛИРЛЫН ТАЙЛАН

2024 оны 12 дугаар сарын 30 Улаанбаатар хот

НЭГ. ӨРГӨДӨЛ, ГОМДОЛ ШИЙДВЭРЛЭЛТИЙН ТАЛААР

Иргэдээс төрийн байгууллага, албан тушаалтанд гаргасан өргөдөл, гомдлыг шийдвэрлэх тухай хууль, Нийслэлийн Засаг даргын 2022 оны А/1049 дугаар захирамжаар батлагдсан “Нийслэлийн нутгийн захиргааны байгууллага, албан тушаалтанд хандсан өргөдөл гомдлыг шийдвэрлэх журам”-ыг мөрдөж, өргөдөл, гомдлын шийдвэрлэлтийг эрчимжүүлэх, шийдвэрлэлтийн дундаж хугацааг зорилтод түвшинд хүргэхээр зорин ажиллаж байна.

Хан-Уул дүүргийн иргэдээс 2024 оны жилийн эцсийн байдлаар 6390 өргөдөл, гомдол ирснээс хуулийн хугацаанд шийдвэрлэсэн 6275, хуулийн хугацаа хэтрүүлэн шийдвэрлэсэн 22, судлагдаж байгаа 93 өргөдөл, гомдол байна. Шийдвэрлэлтийн дундаж хугацаа: 6 хоног 12 цаг 38 минут.

Засаг даргын Тамгын газарт 1057 өргөдөл, гомдол ирснээс 1043 хугацаандаа шийдвэрлэгдэж, судлагдаж байгаа 14 өргөдөл, гомдол байна. Шийдвэрлэлтийн дундаж хугацаа: 8 хоног 9 цаг 36 минут.

ТӨРЛӨӨР АНГИЛЖ ҮЗВЭЛ:




Засаг даргын Тамгын Газар

НЭГЖҮҮД	ШИЙДВЭРЛЭСЭН						Шийдвэрлэлтийн дундаж хугацаа		Зөрчлийн тоон үзүүлэлт	
	Хугацаандаа шийдвэрлэсэн		Хугацаа хэтэрсэн		Нийт					
	2023 XII/25	2024 XII/25	2023 XII/25	2024 XII/25	2023 XII/25	2024 XII/25	2023 XII/25	2024 XII/25	2023 XII/25	2024 XII/25
Удирдлага	11	0	0	0	12	0	10x09ц 17м		8	16
Төрийн захиргааны удирдлагын хэлтэс	176	75	1	0	177	75	07x08ц 03м	08x20ц 06м	14	9

Санхүү, төрийн сангийн хэлтэс	6	10	0	0	6	10	05x21ц 53м	05x07 ц 09м	0	0
Нийгмийн хөгжлийн хэлтэс	24	28	0	0	24	28	13x11ц 43м	07x03 ц 22м	4	0
Төлөвлөлт гүйцэтгэлийн удирлагын хэлтэс	53	63	0	0	53	64	10x12ц 18м	10x18 ц 11м	3	1
Тохижилт, нийтийн аж ахуйн хэлтэс	408	462	0	0	413	472	08x03ц 28м	09x03 ц 04м	21	6
Хүнс, худалдаа, үйлчилгээний хэлтэс	184	268	-	0	-	270	09x22ц 17м	09x11 ц 37м	0	1
Цэргийн штаб	54	101	1	0	187	101	01x00ц 29м	00x04 ц 26м	7	0
Хууль, эрх зүйн хэлтэс	20	35	0	0	54	35	09x07ц 31м	11x02 ц 32м	4	0
Аж, ахуй, өмчийн хэлтэс	1	0	0	0	20	0	12x01ц 54м		6	0
Хэвлэл, мэдээллийн тасаг	3	0	0	0	1	0	01x14ц 02м		0	0
НИЙТ ДҮН	950	1043	0	0	3	1056	08x05ц 23м	08x12 ц 35м	67	33
ӨРГӨДӨЛ, ГОМДОЛ ШИЙДВЭРЛЭЛТИЙН ИНДЕКС									854	

Хугацаа хэтэрсэн шийдвэрлэлтийг өмнөх оны мөн үетэй харьцуулбал:



ШИЙДВЭРЛЭХ ЯВЦАД ГАРГАСАН ЗӨРЧЛИЙН ТӨРӨЛ, БАЙГУУЛЛАГААР:

Зөрчлийн төрөл	Зөрчлийн тоо	Байгууллагаар	Зөрчлийн тоо
Бусад зөрчил	0	Иргэдийн төлөөлөгчдийн хурал	37
Явцын тэмдэглэл хөтлөөгүй зөрчил	147	Засаг даргын Тамгын газар	33
Өдөрт нь багтаан шилжүүлээгүй зөрчил	137	Харьяа хэлтэс, алба, тасаг	357
Өдөрт нь багтаан хүлээн аваагүй зөрчил	341	Дүүргийн өмчит үйлдвэрийн газрууд	54
Буцаалтыг 3 хоногт багтаан хийгээгүй зөрчил	18	Хороод	116

Хангалтгүй шийдвэрлэсэн	6	Эмнэлэг	52
НИЙТ	649	Сургууль, цэцэрлэг	0
		Дүүргийн хэмжээнд/нийт/	649

Зөрчлийн тоог өмнөх оны мөн үетэй харьцуулбал:



ХАМГИЙН ИХ ГОМДОЛ ИРСЭН ХЭЛТЭС

1. Тохижилт нийтийн аж ахуйн хэлтэс – 275 буюу 47,1 %
2. Хүнс, худалдаа үйлчилгээний хэлтэс – 191 буюу 36,9%
3. Төрийн захиргааны удирдлагын хэлтэс – 46 буюу 6,9%

ГОМДЛЫН ТЭРГҮҮЛЭХ АГУУЛГА

1. Сууц өмчлөгчдийн холбоодын үйл ажиллагааны тухай – 72 буюу 12,9%
2. Орон сууцны 1-р давхарт байрлах үйлчилгээний газруудын тухай – 61 буюу 10,9%
3. Нийтийн эзэмшлийн гудамж, талбайн болон ТҮЦ, павильон, ил задгай худалдаа, үйлчилгээний тухай– 56 буюу 10,6%

ХОЁР. ИРГЭДЭЭС НУТГИЙН ЗАХИРГААНЫ БАЙГУУЛЛАГА, АЛБАН ТУШААЛТАНД ГАРГАСАН ГОМДЛЫГ БУУРУУЛАХ ЧИГЛЭЛЭЭР ХИЙСЭН АЖИЛ

1.ТОХИЖИЛТ, НИЙТИЙН АЖ АХУЙН ХЭЛТЭС - 47.1%

ГУДАМЖ, ЗАМ, ТАЛБАЙН ТОХИЖИЛТИЙН ЧИГЛЭЛЭЭР:

Улсын төсөв, нийслэлийн орон нутгийн хөгжлийн сангийн он дамжин хэрэгжсэн хөрөнгө оруулалтаар 5, 24 дүгээр хороодод 2, шинээр нийслэлийн төсвийн хөрөнгөөр 1, 13, 14 дүгээр хороодод 3, дүүргийн төсвийн хөрөнгөөр 22 дугаар хороонд 1 байршилд, 21 дүгээр хорооны Дөрвөн улирлын цэцэрлэгт хүрээлэнг засварлаж, шинэчлэх 1 байршлуудад иргэд амарч салхилах, спортоор хичээллэх боломжтой бичил цэцэрлэгийн тохижилтын ажил хэрэгжиж байна. Үүнд:


1. Нийслэлийн орон нутгийн хөгжлийн сангийн хөрөнгө оруулалтаар 24 дүгээр хорооны Вива сити хорооллын ард Туул гол дагуу тоглоомын талбай, спорт талбай бүхий цэцэрлэгийн тохижилт, улсын төсвийн хөрөнгөөр 5 дугаар хороонд 41 дүгээр сургуулийн баруун талд хэрэгжиж буй цэцэрлэгт хүрээлэнгийн тохижилтын ажил бүрэн хэрэгжиж, ашиглалтад орсон.

2. Тохижилт, цэцэрлэгжүүлэлтийг нэмэгдүүлэх ажлын хүрээнд Улаанбаатар хотын Захирагчийн ажлын албатай хамтарч 1 дүгээр хорооны Эрэл хотхон, 13 дугаар хорооны 4 дүгээр хэсэг, 14 дүгээр хорооны 156 дугаар сургууль, 300 дугаар цэцэрлэгийн гадна талбайд 3 бичил цэцэрлэгийн тохижилтын ажил хэрэгжиж, ашиглалтад орсон.

3. Дүүргийн төсвийн хөрөнгө оруулалтаар “Төгс жигүүр” ХХК 21 дүгээр хороонд Дөрвөн улирлын цэцэрлэгт хүрээлэнгийн тохижилт, засвар, шинэчлэлтийн ажлын хүрээнд 1 хөлбөмбөгийн талбай, хос 3х3 сагсан бөмбөгийн талбай, экстрем талбай шинээр байгуулж, 2 ширхэг 5х5 сагсан бөмбөгийн талбайг засварлаж, шинэчилсэн.

4. Дүүргийн төсвийн 1.2 тэрбум төгрөгийн хөрөнгө оруулалтаар 22 дугаар хорооны нутаг дэвсгэрт Туул голын эрэг дагуу эрсдэлтэй бүсээс 28 айл өрхийг нүүлгэн шилжүүлсэн 5 га талбайд цэцэрлэгт хүрээлэн байгуулахаар төлөвлөсний дагуу загвар зураг төсөл боловсруулж тус ажлын гүйцэтгэчээр "Гарден сити" ХХК шалгарсан.

Зураг . 24 дүгээр хороо, Туул голын эрэг дагуух талбайг тохижуулж хүүхдийн тоглоомын талбай



Нийслэлийн төсвийн төсвийн хөрөнгөөр 8 дугаар хорооны 118 дугаар сургууль, 12 дугаар хорооны Сонгино 25 дугаар гудамж, 24 дүгээр хорооны Хан богд хотхоны 201 дүгээр байрны гадна зэрэг 3 байршилд 3х3 сагсан бөмбөгийн талбай байгуулах ажил хэрэгжиж дууссан.

Дүүргийн төсвийн хөрөнгө оруулалт, дүүргийн орон нутгийн хөгжлийн сангаас 900.0 сая төгрөгийн хөрөнгөөр 4, 12, 14, 15, 20, 24, 25 дугаар хороодод 3х3 сагсан бөмбөгийн 7 талбай байгуулах 3 төсөл арга хэмжээ хэрэгжиж дууссан. 2024 оны жилийн эцсийн байдлаар 4 дүгээр хорооны 34 дүгээр сургууль, 25 дугаар хорооны Буянт Ухаа 1 хороололд байгуулах сандал, сүүдрэвч бүхий 2, 3х3 сагсан бөмбөгийн талбай, 12, 14 дүгээр хороодод хэрэгжих 2 талбай, 15, 20, 24 дүгээр хороодод хэрэгжих 3х3 сагсан бөмбөгийн талбайн ажил хэрэгжиж дууссан.

Зураг. 24-р хороо, 3х3 сагсан бөмбөгийн талбай



ЯВГАН ХҮНИЙ ЗАМ ТАЛБАЙН ЗАСВАР ШИНЭЧЛЭЛТИЙН АЖЛЫН ХҮРЭЭНД:

Хан-Уул дүүргийн хэмжээнд 2023-2024 онд 1, 2, 3, 5, 9, 11, 15, 17, 19, 20, 22, 23, 24 дүгээр хороодын 20 байршилд нийт 21,128.1 м.кв (8,5 км) талбайд явган хүний зам засварлаж, шинэчлэх 6 төсөл арга хэмжээ хэрэгжиж байгаа бөгөөд жилийн эцсийн байдлаар;

Хэрэгжиж дууссан 3 төслийн хүрээнд 7,500 м.кв (3,0 км):

1. Явган зам, талбайн засвар, шинэчлэлтийн ажил (23, 24-р хороо) (0.4 км дугуйн замтай)
2. Нийтийн эзэмшлийн зам талбайн засвар, тохижилтын ажил (9, 16-р хороо)
3. Явган зам талбайн тохижилт /1,3, 15-р хороо/

ГЭРЭЛТҮҮЛГИЙН ЧИГЛЭЛЭЭР:

Дүүргийн төсөв, дүүргийн орон нутгийн хөгжлийн сангийн 6.28 тэрбум төгрөгийн хөрөнгөөр нийтийн эзэмшлийн гудамж талбай, авто зам дагуу нийт 1870 ширхэг гэрэлтүүлэг суурилуулах 7 төсөл, арга хэмжээ 2024 оны жилийн эцсийн байдлаар дараах явцтай хэрэгжиж байна. Үүнд:

Хэрэгжиж дууссан 3 төсөл, арга хэмжээ:

1. Дүүргийн төсвийн хөрөнгө оруулалтаар 13 дугаар хорооны нийтийн эзэмшлийн зам талбайд 78 ширхэг гэрэлтүүлэг суурилуулсан.
2. Дүүргийн төсвийн хөрөнгө оруулалтаар 23 дугаар хороо, Наадамчдын авто замаас Нүхт чиглэлийн авто замд 16 ширхэг гэрэлтүүлэг суурилуулсан.
3. Дүүргийн орон нутгийн хөгжлийн сангаас 3, 4, 5, 6, 7, 8, 10, 11, 12, 13, 14, 16, 19, 23, 24 дүгээр хороодын нийтийн эзэмшлийн зам талбайд 640 ширхэг гэрэлтүүлэг суурилуулсан.

Хэрэгжиж буй 3 төсөл, арга хэмжээ:

1. Дүүргийн орон нутгийн хөгжлийн сангаас 2, 5, 8, 9, 10, 11, 12, 13, 14, 16, 21, 23, 24 дүгээр хороодын нийтийн эзэмшлийн зам талбайд 360 ширхэг гэрэлтүүлэг суурилуулах ажлын явц 90%, гүйцэтгэгч “РЗА” ХХК.
2. Дүүргийн төсвийн хөрөнгө оруулалтаар 14, 21 дүгээр хороодын авто замын зорчих хэсгийн аюулгүй байдлын хүрээнд шинээр 226 ширхэг гэрэлтүүлэг суурилуулах ажлын явц 90%. Гүйцэтгэгч “Өндрийн удам” ХХК.
3. Дүүргийн төсвийн хөрөнгө оруулалтаар 10, 12, 13 дугаар хороодын авто замын зорчих хэсгийн аюулгүй байдлын хүрээнд шинээр 440 ширхэг гэрэлтүүлэг суурилуулах ажлын явц 60%. Гүйцэтгэгч “Ингүүмэл эрчим” ХХК.

Мөн шинээр ашиглалтад орсон болон шинэчлэн засварласан авто замын ажлын хүрээнд 3, 4, 8, 9, 10, 12, 16, 20, 22, 23 дугаар хороодод 378 ширхэг гэрэлтүүлэг суурилуулсан.

Зураг . Хан-Уул дүүрэг, шинээр гэрэлтүүлэг суурилуулах ажлын явц




Хан-Уул дүүргийн хэмжээнд 2024 онд гэрэлтүүлгийн урсгал засвар, арчлалтыг 3 бүсэд хувааж, нийт 10804 шонгийн 12154 ширхэг гэрэлтүүлгийн ашиглалтыг мэргэжлийн 3 байгууллагад гэрээгээр хариуцуулж, хяналт тавьж ажиллаж байна.

Гэрэлтүүлгийн урсгал, засвар арчлалтыг тогтмол графикайн дагуу гүйцэтгэж, засвар үйлчилгээний мэдээллийг Улаанбаатар хотын шуурхай удирдлага зохицуулалтын төвд хүргэж ажиллаж байна. Гэрэлтүүлгийн асалт 98.5 хувьтай байна.

Гэрэлтүүлгийн урсгал засварын гүйцэтгэлийг сар бүр хянаж, 2024 оны 11 дүгээр сарын байдлаар 997.1 сая төгрөгийн санхүүжилтийг гүйцэтгэлээр олгосон байна."

Зураг 27. Хан-Уул дүүрэг, гэрэлтүүлгийн засвар, үйлчилгээний ажлын явц



НИЙТИЙН ЭЗЭМШЛИЙН НОГООН БАЙГУУЛАМЖИЙГ НЭМЭГДҮҮЛЭХ ЧИГЛЭЛЭЭР:

Нийтийн эзэмшлийн гудамж талбай, орон сууц хорооллын дунд явган зорчигчийн хөдөлгөөнд саад учруулж буй, хэлбэржүүлэлт, цэвэрлэгээний огтлол хийх шаардлагатай модны судалгааг гаргаж, дүүргийн Засаг даргын 2024 оны А/635 дугаар захирамжаар 18.9 сая төгрөгийн хөрөнгийг шийдвэрлэж, Үр үрслэх ХХК-иар гүйцэтгүүлсэн.

Тус ажлын хүрээнд 153 ширхэг улиас, 215 ширхэг хайлаас, 3 ширхэг монос нийт 373 ширхэг модны гувар, сэжим цэвэрлэх, мөчрийн цөөлөлт хийж, 12500 м.кв талбайд хэлбэржүүлэлтийн дараах цэвэрлэгээ, шарилж устгал хийж, 52 тн хог хаягдлыг ачиж тээвэрлэсэн.

Зураг. Нийтийн эзэмшлийн гудамж талбайн мод сөөгний хэлбэржүүлэлтийн ажлын явц



Улаанбаатар хотын Захирагчийн ажлын албанаас олгосон 2700 мод, бут сөөгийг нийтийн эзэмшлийн гудамж, талбай хариуцсан 10 байгууллагад хуваарилж, дүүргийн 1 дүгээр хороонд Шинэ Хан-Уул цэцэрлэгт хүрээлэн, Хан-Уул өндөрлөг болон Иргэдэд үйлчлэх төвийн гадна 400 монос, 400 голт бор, 400 гүйлс, Наадамчдын зам дагуу ургамлан хашлаганы нөхөн тарилтад 1000 хайлаас, Архивчдын гудамж дагуу нөхөн тарилтад 132 улиас, Айцын аманд 90 улиас, 13 дугаар хороонд Төгсөгчдийн төгөл талбайд 278 улиасыг тус тус тарьсан.

Зураг. Улаанбаатар хотын Захирагчийн ажлын албанаас хуваарилагдсан мод, бут сөөгийг тарих ажлын явц, Шинэ Хан-Уул цэцэрлэгт хүрээлэн, Хан-Уул өндөрлөг, Иргэдэд үйлчлэх төв байр орчим



ХОГ ХАЯГДЛЫН МЕНЕЖМЕНТИЙГ САЙЖРУУЛАХ ЧИГЛЭЛЭЭР:

Хог хаягдлаа эх үүсвэр дээр нь ангилан ялгаж буй сууц өмчлөгчдийн холбоод, аж ахуйн нэгж байгууллагуудыг ангилсан хуванцраа тушаах, гэрээ байгуулах чиглэлээр “Ти Эм Эл” ХХК дахин боловсруулах үйлдвэртэй хамтарч ажиллаж дүүргийн хэмжээнд 234 байгууллага, сууц өмчлөгчдийн холбоо гэрээ байгуулж, хуванцар хаягдлаа нийлүүлж, дахин боловсруулж байна.

“Эко хотын тээвэр” ААТҮГ нь 7 хоног бүрийн Пүрэв гарагт тогтмол 1 удаа 1, 2, 20, 23 дугаар хороодын нийт 8 цэгээс 7 удаагийн рейсээр 18,8 тонн хуванцар, лааз, цаасан хайрцаг, гялгар уутыг тээвэрлэсэн.

Хот байгуулалт, хотын стандартын хяналтын газартай байгуулсан хамтран ажиллах төлөвлөгөөний дагуу дүүргийн хэмжээнд үйл ажиллагаа явуулдаг нийт сууц өмчлөгчдийн холбоодын удирдлага, ажилтнуудад хог хаягдлыг ангилах чиглэлээр хотын стандартын мэдлэг ойлголтыг дээшлүүлэх сургалтыг 2024 оны 04 дүгээр сарын 03-ны өдөр зохион байгуулж, 110 сууц өмчлөгчдийн холбоодын 160 хүн хамрагдсан.

Зураг . Ангилсан хог хаягдал тээвэрлэх явц



Зураг . Сургалтын явц



Дүүргийн төсвийн 1.2 тэрбум төгрөгийн хөрөнгөөр он дамжин хэрэгжсэн “ХСМГ” маркийн задгай тэвштэй, 8 тн даацтай, цас хусагчтай 7 ширхэг хогны автомашиныг 2024 оны 3 дугаар сарын 30-ны өдөр хог тээврийн байгууллагуудад хүлээлгэж өгсөн.

Дүүргийн төсвийн 2.0 тэрбум төгрөгийн хөрөнгөөр хог шахах төхөөрөмж бүхий Хьюндай HD-78 маркийн 6 м.кубын 1, Хьюндай HD-170 маркийн 14.2 м.кубын 3 буюу нийт 4 ширхэг автомашинаар хог тээврийн байгууллагуудад парк шинэчлэлт хийсэн.

Зураг. Хог тээврийн машинууд



Дүүргийн төсвийн 5.0 тэрбум төгрөгийн хөрөнгөөр хог тээврийн задгай тэвштэй болон шахах төхөөрөмжтэй 21 машин, зам талбайн цэвэрлэгээ үйлчилгээнд ашиглах цэвэрлэх, услах, шүүрдэх, ариутгах хосолмол үйлдэлтэй том оврын 2 машин, 50 ширхэг үлээгч төхөөрөмж, 27 ширхэг цахилгаан мотортой шүүрдэгч, 15 ширхэг бага оврын давс цацагч, 7 ширхэг замын нуух шүүрдэгч бага оврын машин, 12 ширхэг 4 үйлдэлт ковш, 1 ширхэг экскаваторыг худалдан авч, ашиглалтад оруулсан. Мөн зам талбайн ажилчдыг тээвэрлэх 4 автобус болон 3 автокран, 3 ширхэг усалгаа, ариутгалын зориулалттай машин худалдан авах ажиллагааны шатанд хэрэгжиж байна.

Хүснэгт . 2024 оны байдлаар дүүргийн нутаг дэвсгэрээс төвлөрсөн хогийн цэгт хүргэсэн хог хаягдлын тоон үзүүлэлт

Байгууллага	Рейс	Тээвэрлэсэн хог, тн	Хариуцсан хороо
“Тохижилт үйлчилгээний төв” ОНӨААТҮГ	17,655	75,451	9, 10, 12, 13, 14, 16, 21, 25
“Хан-Уул Агро” ОНӨААТҮГ			11, 15, 17, 18, 22
“Хан-Эко тээвэр” ААТҮГ			4, 5, 6, 7, 8, 24
“Эко хотын тээвэр” ААТҮГ			1, 2, 3, 19, 20, 23

Дүүргийн нутаг дэвсгэрийн хэмжээнд хог тээвэрлэлт, зам цэвэрлэгээг сайжруулах, хяналт тавих ажлын хүрээнд дүүргийн менежерээр удирдуулан долоо хоног бүр “Хот, нийтийн аж ахуйн шуурхай зөвлөгөөн”-ийг зохион байгуулж, шаардлагатай арга хэмжээг авч, үүрэг даалгаврыг холбогдох байгууллагуудад хүргүүлэн, хяналт тавин ажиллаж байна.

2. ХҮНС.ХУДАЛДАА. ҮЙЛЧИЛГЭЭНИЙ ХЭЛТЭС-36.9%

1. Нийтийн эзэмшлийн гудамж, талбайн болон ТҮЦ, павильон, ил задгай худалдаа, үйлчилгээний чиглэлээр

“Хан-Уул дүүргийн нутаг дэвсгэрт ил задгай зөвшөөрөлгүй худалдаа, үйлчилгээ явуулж буй иргэдийн үйл ажиллагаанд хяналт шалгалт зохион байгуулах тухай” Засаг даргын Тамгын газрын дарга болон дүүргийн менежерийн 2 удирдамжийг батлуулан ил задгай, зөвшөөрөлгүй худалдаа, үйлчилгээ явуулж буй иргэдийн үйл ажиллагаанд нийслэлийн Хүнс, хөдөө аж, ахуйн газар, нийслэлийн Эрүүл мэндийн газар, нийслэлийн Мал эмнэлэгийн газар, дүүргийн Цагдаагийн газартай хамтран хяналт шалгалтыг зохион байгуулж, холбогдох үүрэг чиглэл өгч, мал эмнэлгийн ариун цэврийн магадлан шинжилгээний дээж авах ажлыг зохион байгуулсан.

Цагдаагийн газраас давхардсан тоогоор 45 иргэнд 900 нэгжийн торгуулийн арга хэмжээ авч, зөвшөөрөлгүй худалдаа үйлчилгээг тухай бүр зогсоон ажилласан.

2. Орон сууцны 1 давхарт байрлах үйлчилгээний чиглэлээр

Дүүргийн хэмжээнд тулгамдаж буй асуудлыг хамтран шийдвэрлэх, төрийн байгууллагуудын ажлын уялдаа холбоог сайжруулах зорилгоор нийслэлийн Хүнс, хөдөө аж ахуйн газар, нийслэлийн Эрүүл мэндийн газар, нийслэлийн Боловсролын газрын дүүрэг хариуцан ажиллаж буй улсын байцаагчдын 3 удаагийн уулзалтыг зохион байгуулж ажилласан.

Уулзалтаар дүүргийн хэмжээнд хийж хэрэгжүүлж буй ажлын тайлан, тулгамдаж буй асуудлыг хэрхэн хамтран шийдвэрлэх талаар санал солилцож, асуудлыг шийдвэрлэн ажиллаж байна.




Орон сууцны нэгдүгээр давхарт иргэд оршин суугчдын эрх ашгийг зөрчин агааржуулалтын системийг стандартын бус байршуулж, явган зорчигч зорчих хэсэг буюу орц, гарцан дээр агааржуулалтын хоолойг гаргаж, түүнээс гарсан уур нь мөстөн иргэдийн эрүүл аюулгүй орчинд амьдрах эрхэнд сөргөөр нөлөөлж, улмаар байрны хийц эдлэлд өөрчлөлт орох, цаашид хөгцөрч, мөөгөнцөртөх эрсдэлтэй байгаа талаар иргэд, оршин суугчид, СӨХ-оос ирсэн гомдлыг эцэслэн шийдвэрлэх талаар Нийслэлийн Хүнс, хөдөө аж ахуйн газар, нийслэлийн Эрүүл мэндийн газар, нийслэлийн Хяналт, шалгалтын газар, нийслэлийн Мал эмнэлгийн газруудад холбогдох арга хэмжээ авч хамтран ажиллах талаар 7 удаагийн албан бичиг явуулж, арга хэмжээ тооцуулан ажиллаж байна.

3.Авто үйлчилгээний чиглэлээр:

Авто үйлчилгээ эрхэлж буй иргэн, аж ахуйн нэгжид холбогдох хууль тогтоомж, дүрэм журам, стандартыг сурталчлах, мэдээллээр хангах зорилгоор 38 иргэн, аж ахуйн нэгжийн үйл ажиллагаатай танилцаж, гарын авлага боловсруулан, 182 иргэн, аж ахуйн нэгжид тарааж, зөвлөн туслах ажлыг зохион байгуулсан.

- Нийслэлийн Нийтийн тээврийн бодлогын газраас зохион байгуулсан “Авто үйлчилгээнд тавигдах ерөнхий шаардлага MNS5025:2020 стандартад нэмэлт, өөрчлөлт оруулах хэрэгцээ, шаардлага”-ын талаарх хэлэлцүүлэгт 4 иргэн, аж ахуйн нэгжийг хамруулж, санал хүргүүлсэн.

Дүүргийн Засаг даргын 2024 оны “Авто үйлчилгээ эрхэлж буй иргэн, аж ахуйн нэгжүүдэд хамтарсан хяналт, шалгалт зохион байгуулах тухай” А/671 дүгээр захирамжийн хүрээнд 144 иргэн, аж ахуйн нэгжийн үйл ажиллагаанд хяналт шалгалт хийж, зөрчил дутагдлыг арилгуулж ажилласан. Үүнд:



- 7 иргэн, аж ахуйн нэгжид 4.9 сая төгрөгийн торгуулийн арга хэмжээ;
- 33 иргэн, аж ахуйн нэгжид улсын байцаагчийн албан шаардлага;
- 78 иргэн, аж ахуйн нэгжид зөвлөмж;
- 32 иргэн, аж ахуйн нэгжид хугацаатай албан мэдэгдэл хүргүүлж, газар дээр нь 8 зөрчлийг арилгуулж, хяналт тавьж ажилласан.

Дүүргийн хэмжээнд нийт 42 авто угаалга үйл ажиллагаа явуулж байгаагаас 12 иргэн, аж ахуйн нэгж саарал усны тоног төхөөрөмжийг суурилуулж үйл ажиллагаандаа нэвтрүүлсэн бөгөөд өмнөх оны тоотой харьцуулахад 21.4 хувиар өссөн үзүүлэлттэй байна.

ТАНИЛЦСАН:

ТӨРИЙН ЗАХИРГААНЫ УДИРДЛАГЫН
ХЭЛТСИЙН АХЛАХ МЭРГЭЖИЛТЭН

Б.САРАНЦАЦРАЛ

БОЛОВСРУУЛСАН:

ТӨРИЙН ЗАХИРГААНЫ УДИРДЛАГЫН ХЭЛТСИЙН
АЖИЛТАН

Г.ЭРДЭНЭСУГАР